


Ramon Todd Dandaré ta splica:

FUNCIONAMENTO DI CONSULADO HONORARIO DI COLOMBIA NO TA CLA AINDA



su oficina consular, DIARIO a entrevista riba e topico aki.

Na prome lugar Todd Dandaré ta splica cu postulacion no kiermeen directamente nombramento. Pa esaki ainda ta falta un caminda pa cana.

"Na Mey aña pasa Gobierno di Colombia a postulami como Consul Honorario di Colombia na Aruba, y Gobierno di Colombia mediante su Ministerio di Relacionnan Exterior a informa Gobierno di Hulanda di tal postulacion.

Na su turno Gobierno di Hulanda a informa Gobierno di Aruba cu ta esun cu mester a tuma e decision si ta acepta of no e postulacion.

Na momento cu Gobierno di Aruba a tuma e decision di acepta e postulacion, el a informa Ministerio di Relacionnan Exterior di Hulanda y esaki lo mester informa e ora ey, e Gobierno di Colombia.

Te aworaki esaki no a sosode y falta un bon caminda pa cana ainda pa mi nombramento oficial.

Ora cu bo haya nombramento oficial, mediante un decreto gubernamental di Colombia ta sigui e acep-

tacion di Hulanda tambe pa medio di un decreto gubernamental, y mester hura-menta dilanti di Gobierno di Colombia y Gobierno di Hulanda cu tin su representante na Aruba, den persona di Gobernador.

Despues di esey mi por cumenza funciona berdadera-

mente como Consul Honorario di Colombia na Aruba, y mi mester busca un lugar caminda cu mester ubica e consulado".

Ta pesey siman pasa Todd Dandaré a saca un comunicado den cual e ta pidi e Colonia Colombiano pa tene un tiki pasenshi.

ORANJESTAD (AAN) -- DIARIO a entrevista Ramon Todd Dandaré, kende recientemente su postulacion como Consul Honorario di Colombia a keda aproba pa

Gobierno di Aruba. Mirando e interes di e Colonia Colombiano pa conoce e fecha cu Todd Dandaré ta cumenza funciona como consul, y na unda e lo ubica